



UPA 2022/61

6/5-2022

Jens-Frederik Nielsen

**Qilalukkat nipinut illorsorneqarnissaat siunertaralugu kangerlunni qaortat qernertallu sivisunerusumik najortagaanni angallatit aalajangersimasut ingerlaartarnerisa killilerneqarsinnaaneranut periarfissat misissoqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuineq UPA2023-mut naammassineqarsimassaaq iliuusissanillu aalajangersimasunik siunnersuutitaqassalluni.**

(Inatsisartunut ilaasortaq Jens NapātōK' Naleraq)

(Siullermeerneqarnera)

Pinngortitarsuatta pinningaartup uumasullu assigiinngissitaarnerisa illorsornissaannut pisussaaffeqarpugut. Biologit immikkut ilisimasallit misissuinerisa takutissimavaat, arferit umiarsuit takornariartaassuit angallatillu allat nipiliortitsisarnerinik sunnerneqartartut.

Taamaattumik pissusissamisoorpoq misissussallugu, qanoq ililluta nipiliortunut tamakkununnga arferit illorsorsinnaanerigut. Taamaaliorisnnaavugut soorlu Naalakkersuisut allannguutissatut siunnersumminni siunnersuuteqartut tassa nalunaarummik sanasoqassasoq, kangerlunni, arferit aasakkut uninngaffigisagaanni, angallatit aalajangersimasut angalanerat killilorsorlugu, arferit nipimik ajoquusersorneqarnerat illorsorniarlugu.

Naalakkersuisut allannguutissatut siunnersuutaa Aalisarnermut-, Piniarnermut- Nunalerinermullu ataatsimiititaliamut suliareqqitassanngorlugu innersuunneqarpoq.